

LA
H A R A N G V E
D' A L E X A N D R E
le Forgeron.

Prononcée au Conclauc des
Reformateurs.

P R O V E R B E 20.

*Le Roy seant au trône de iugement dissipe
tout mal par son regard.*



1614.

*double
(voir différenciation)*

HARVARD

THE HENRY
LIBRARY

OF THE UNIVERSITY OF CHICAGO

is located

at the University of Chicago

Case


1614223

39

326

1614223

1614223



1614223



HARANGVE.



A R ma foy, Messieurs, si vous me demandiez ce que i'ay à proposer sur ce tapis, ie serois bien empesché de vous le dire, tant ie voy d'embarras aux affaires de la Reformation, & n'en faut point mentir, que si i'eusse creu d'enfourner si mal, ie ne fusse iamais bougé de Paris d'aupres de mes maçons: Mais puisque la fatalité en ordonne ainsi, encores ne faut-il pas ietter le manche apres la coignée. Ma consolation est que ie ne seray pas seul celebré en l'histoire, pour auoir plus entrepris, que ie n'ay peu faire. Car Monsieur Rose iadis Euesque de Senlis, se trompa aussi bien que moy en son calcul, s'imaginant la leuée de plusieurs milliers de soldats, comme vn exain de mouches en l'air, pour le secours de la sainte Ligue, à ne prendre mesme (disoit ce bon Prelat) qu'vn homme pour clocher. Certes à ce que ie voy les bonnes coustumes se perdent, tout s'altere, tout se corrompt: il n'y a plus d'ardeur ny de zele à brouiller, comme i'ay veu autrefois en ma ieunesse, sur tout lors que la teue Royne Mere me vouloit honorer gratis de la Capitainerie de la Bastille, si ie ne fusse deslogé sans trompette: & quand

4
de plus fraîche d'atte, vn homme que vous cognois-
sez, curieux de sçauoir toutes choses, s'en alla en
diligence apprendre l'Allemand chez le Comte
Palatin, pour se rendre tousiours plus utile au ser-
uice de Henry quatriesme son bien-faicteur, apres
l'auoir assisté d'un memorable secours au siege
d'Amiens, & en la guerre de Sauoye. Tout en
fin n'est auourd'huy que froideur & lascheté de
courage, à reformer les Royaumes à ma mode. Les
Coqs de nostre Parroisse, que ie croyois estre les
plus brouillans, ont tous à ce coup esté froids com-
me glace, les vns par amour & respect, les autres
par foiblesse & manque de pouuoir. Il n'est pas ius-
qu'à ce grand Pontife, qui ne s'amusant plus aux vi-
sions de son Mystere d'iniquité, ne veut mettre à
cette heure en ombrage parmy toutes les Sinago-
gues de la France, ausquelles il ne chante par ses
lettres que les benedictions de la Paix, en la liber-
té de leurs consciences, leurs faisant accroire que ie
suis homme qui ne veux que faire mes affaires, &
puis les laisser là, comme ie fis (dict-il) à l'assem-
blée de Saumur. D'ailleurs, les Mouchars que j'ay
dans les Prouinces, me donnent aduis que celles où
nous presumons d'estre les Maistres, disent tout
haut qu'elles ne veulent point taster de nostre re-
formation. Car faisant la guerre, le premier mal
tomberoit sur leurs testies, soit en gardant eux mes-
mes nuit & jour les portes & les murailles de leurs
villes contre leurs voisins, soit en y receuant garni-
son, veu la seruitude où ils s'engageroient, si leurs
vies & leurs fortunes despendoient de la garde d'au-
truy, les bons Citoyens se contentans de viure pai-

siblement du leur, n'y ayant que quelques affamez & safreniers qui desirent la picorée du bœuf & de la vache. Quant à des hommes pour en faire de grandes leuées. on m'escriit qu'ils en ont fort peu de reserve, & presque point, qui vueillent quitter de veüe le tuyau de leurs cheminées, pour me venir trouuer si loing, quelque bruiet que nous facions courre, qu'il y a de l'ordre & de la police en nos troupes, sous couleur de trois ou quatre misérables que nous auons desia faict prendre, pour auoir baïsé les seruantés de leurs hostes en prenant congé. Car il n'y a soldart pour d'amoureuse complexion qu'il soit, qui ne se passe volontiers de ce bel ordre. Les Ministres sont aussi grandement apprehender à leurs ouailles, la desolation qui seroit inuitable à tout plein de bergeries esparées ça & là dans le Royaume, comme est entre autres l'Eglise Metropolitaine de Charanton: toutes lesquelles maudiroient celuy, qui les exposant en proye, auroit troublé leur repos.

O temps! ô mœurs! quel est cest endurcissement de cœur? Où est ceste premiere ferueur de nos peres? Où est le zele furieux & turbulent de nostre Eglise primitiue il y a enuiou quarante ou cinquante ans? Tout est tellement refroidy, que j'oserois gager que de cent Huguenots qu'il y a, il ne s'en trouueroit pas le quart qui endurast le feu, pour maintenir dans Rome, que le Pape soit l'Antechrist. Et si pour le bien de la Reformation, il y en falloit tout presentement enuoyer deux, ie croy qu'à peine fourniroit-on d'un second avec moy.

Vous vous fouriés Messieurs, de me voir ainsi

tordre la moustache, & que j'aye pris pour corps de
 deuse en ma cornette six paires de lunettes sur vn
 nez haut en couleur avec ces deux mots Grecs
V N D E A V X I L I V M? De regarder du co-
 sté de l'Allemagne pour en tirer des Reistres & des
 Lansquenets, ie ne me suis pas encore saisy des
 reliques & de calices de Saint Denys, pour les
 payer, estimant qu'à peine sortiroient-ils du pays
 sur ma simple parole. Pour l'Angleterre, ce Roy est
 si pacifique & si conscientieux à force de lire le li-
 vre des Roys, qu'il hayt comme le diable tous sub-
 iets qui se mutinent contre leurs Souuerains: parce
 que luy mesme estant du mestier, a interest à l'in-
 uiolable conseruation de leur autorité. Quant aux
 Republicains nos voisins, ce sont vrayement gens
 qui s'entendent des mieux à la reformation des
 grandes Monarchies, & qui les trouuent bien plus
 belles en pourpoint, que non pas reuestuës de ces
 longues tunique Royales. Mais ie voy bien qu'en
 l'estat que sont auourd'huy leurs affaires, ils ont
 plus besoin de la France que d'Alexandre le Forge-
 ron. Il n'y a non plus que frire pour nous en Suisse.
 Voila cōme ie recognois que l'Almanach de Beau-
 regard n'est qu'un menteur avec ses predictions fa-
 bleuses, n'y ayant eu villes capitales, Parlements,
 peuples, ny Noblesses de marque, qui se soient lais-
 sez engluer, comme font les moineaux, quand il
 neige. Car tout ce que nous auons peu faire depuis
 trois mois, ça esté de ramasser çà & là que que qua-
 tre mil hommes de pied, bons que mauuais, avec
 vn peu de caualerie pour nous venir promener sur
 le paué de Soissons, où nous sommes entrés en pō-

pe, afin qu'on ne die point que si apres Pasques nous faisons plus de bien, qu'on en esperoit de nous en Carefme, ce ne soit pas par foiblesse de pou- uoir proceder à la reformation, cest espouuan- tail n'ayant point si peu operé, qu'il n'ait desia en- chery à Paris le foin, l'auoine, le fagot, le coteret, & si le bois de corde hausse vne fois à la Greue, il y en aura de mal chauffés.

Or de penser faire le fin avec vous, vous ne me cognoissez que trop de par Dieu. Il n'est pas icy question de se mettre sur les belles paroles, & de vous faire vn long discours sur ma fidelité & bonne affection au seruice de leurs Maiestés, c'est chose que vous n'ignorés pas, & que vous sçaués autant ou peut estre mieux que moy. Il faut seulement ad- uiser ce qui se peut faire maintenant, à ce que ces Messieurs remportent quelque contentement de ceste conference, sur l'yssaë de laquelle toute la France a auourd'huy les yeux iectés. Pour moy estant homme accort qui sçait faire & deffaire, afin qu'on ne m'estime pas vn boutefeu qui se vueille rendre l'horreur de la posterité, si on men veut croire, ie suis d'aduis que tout ce qui s'est frict ius- qu'à present, se soit passé comme par jeu, & que nous acceptions la bonne volonté de la Royne, re- tournans iouyr doucement de sa bienueillance, & participer aux continuelles graces & faueurs, que ceste bonne Princeesse nous a tousiours departies, dont ie ne seray iamais le moins du monde ingrat, recognoissant ses liberalités comme ie faiets. Et si selon vostre goust il y a quelque chose à desirer au gouuernement du Royaume, soit pour la distribu-

tion des charges, soit pour le soulagement des peuples, remettons cela à la tenuë des prochains Estats generaux, puisque sa Maesté auoit desia resolu de les conuoquer auant que nous les eussions demandés. Si cependant on trouue bon que ie soulage Monsieur le President Jeannin au maniemment des finances, l'engage ma foy & mon honneur, d'y faire mieux mes affaires en trois mois, que ce bon homme n'y fera les siennes en toute sa vie. Je ferois bien aussi ce me semble le Chancelier à vn besoing, pour bailler force cire verte aux gens d'honneur. Si mesme l'office de Connestable n'est supprimé par mort, ie l'aymerois bien autant pour moy, que pour vn autre.

L'estime qu'il vaut mieux s'accommoder ainsi à l'amiable, sans toutesfois en faire semblant d'abord, afin de mieux faire valoir le talent. Car d'entreprendre contre la Royauté, nulle guerre n'est iuste si elle n'est necessaire. Or de necessité il n'y en a certes point, l'estat estant pacifique & florissant comme il est: ains ce seroit vne violence du tout inique, quelque pretexte que nous empruntions du bien public, veu que la voix du peuple, de qui noz troupes deuorent la substance, crie vengeance deuant Dieu: la seuerie iustice duquel armera tellement le bras du Roy, de force & de puissance, que nous demeurerons en fin accablés en nos desseings, si nous n'allons au deuant de son indignation. Car tout passionné qu'on me croit estre, ie ne suis point si aveugle que ie ne voye bien, qu'à mesme temps que nous feront les facheux, & que nous aurons rejecté les raisonnables conditions, que leurs Ma-

jestez.

9
festés nous offrent, on laschera apres nos fesses des
Leuriers de si bõne race, que nous maudirons l'heu-
re d'auoir iamais entrepris vne si malheureuse be-
songne. Et s'il nous arriuoit de perdre en vn com-
bat sanglant ce peu de forces que nous auons, la re-
formation ne seroit-elle pas gaulée sans ressourcer?
Où est le Gentilhomme qui peut sortir de sa maison
à vingt lieues de nous, sans auoir soudain vn Preuost
dans sa basse-cour pour luy saisir & confisquer ses
biens à l'eternelle misere de sa femme & de ses en-
fans? De vous asseurer beaucoup de moy ny de mon
chasteau, outre ce que j'ay à y penser plus d'une fois
auant que de me bander ouuertemēt contre le Roy,
vous pouués bien croire, que ie ne vous souffrirois
pas d'y entrer les plus forts, comme j'estime que
nous sommes icy. Courage ô bons & fideles habi-
tans de Soissons, vous merités d'auoir l'honneur d'e-
stre des premiers reformés apres Mezieres nostre fil-
le aînée. Tout cela meurement considéré, ie con-
cluds qu'il se faut accommoder au cours du marché,
ayant si mal pris nos mesures. Helas! ie ne cognois
que trop l'humeur des gens, que nous desirons se iet-
ter entre nos bras. Je sçay que toute nouueauté plaist
d'abord à quelques François: Mais ce sont des cer-
uelles qui ne peuuent pas longuement demeurer en
vne mesme resolution. Ce qu'ils loüent aujourd'huy,
ils le blasment de main. Ils controllent tout, ils mur-
murent de tout, & rien ne leur agrée que ce qu'ils
font; tel pensant bien faire l'homme d'Estat, qui à
peine seroit bon Procureur de Chastelet. Bref ce
sont esprits chagrins qui se plaignent de tout, qui
s'ennuyent de tout, autant impatiens en la iouyssan-

ce du bien, qu'en la souffrance du mal. De sorte que ne les pouuans retenir par recompense de leurs ser-
 nices n'en ayans le moyen, ny ne se voulans laisser
 beffier de vaines esperances, il est mal-aisé d'asseoir
 sur eux aucun fondement. Nous auons beau leur
 prescher que tout s'en va estre reformé en la justice,
 aux armes, & que les charges de la maison du Roy
 ne se vendront plus. Ce qui est bon à dire mainte-
 nant, apres que moy qui parle, ay pour exemple de
 reformation vendu à beau deniers contans celle que
 i'y auois, la baillant au Seigneur que i'ay tousiours
 aymé, ou pour mieux dire recherché, tant que i'ay
 creu qu'il me pouuoit ayder à faire mes affaires. Ne
 nous reposons donc que de bonne sorte sur ces gi-
 roiettes. Car quelque effor que prennent telles gens
 ils reuiennent tousiours loger à l'espée royale, &
 quelques mutins qu'ils soient en la chaleur de leur
 mescontentement, ils trempent leur vin, ils reuien-
 nent à eux, & aiment tousiours mieux vn grand
 Roy, soit mineur, ou homme faict, que de se voir
 asseruis sous le ioug de tant de petits Maistres & de
 petits Salmonées qui ne peuuent gresler que sur le
 persil. Avec cela il est à craindre que ce cauteleux
 serpent de diuision ne se glisse parmy vous Messieurs,
 sur tout quand se viendra au departement des char-
 ges de ceste grande armée inuisible (ie voulois dire
 inuincible) dont vous ne serés pas si tost d'accord
 que du butin, lequel ie preuoy estre si reformé, que
 vous en aurés autant les vns que les autres. Je n'ap-
 prehende pas ceste diuision sans cause, parce que ie
 voy desia du refroidissement à quelques vns. Je ne
 sçay mesme si vous Monsieur qui faictes si bonne

chere à la reformation, auriés point quelque regret sur le cœur s'il vous falloit estre desuny de vostre maison, adherant sur tout à vn heretique comme i'ay l'honneur d'estre, vous qui estes fils de ce genereux Prince, qui imitant la pieté de ses ayeulx, n'espargna iamais son sang pour la deffence de la Religion Catholique, laquelle vous pouués bien croire, que moy & mes semblables voudrions voir exterminée aux despens de voz propres testes. Et à ceste heure que ie parle d'accommoder les affaires, ie ne feindray point de vous dire rondement comme feroit vn Capucin, que le seul blasme & reproche qu'on vous peut faire que ie suis en vostre compagnie, est capable de vous rendre odieux à toute la France, de crainte qu'on a que vous faciés aussi mauuais fruit que moy, qui estois né Catholique fils de bon pere & de bonne mere.

Regardés moy Messieurs, regardés moy de trauers tant que vous voudrés, ie vous dy franchement que ie vous tromperois si ie vous allois promettant beaucoup de seruiue. Vous voyés, ie suis vieux, cassé, goutteux, & si mal sain dans le corps, que ie ne suis pas pour viuré long temps, si Dieu plaist. Non que ie ne puisse dire sans me flatter, que ie suis assés vaillant de ma personne : mais au reste le plus malheureux homme du monde à la guerre. Vous scaués comme ie fus faict prisonnier en Flandres, vous scaués ce qui m'arriua à Dourlans, & n'en espere pas mieux en toute autre part, quoy que le bruiet coure à Paris, que ie me suis vanté de passer sur le ventre du regiment des gardes, avec ce peu d'infanterie que nous auons. Si ceste parole m'est eschappée c'a esté

en dormant, parce que ie ne dois pas ignorer, que les soldats de ceste troupe ne soient autant de Lyons conduicts par des plus braues & valeureux Capitaines de la France qui m'en feroient bien tost perdre l'enuie. I'ay de plus reputatiō de n'estre pas fort bon Maistre, pour obliger les honnestes gens à suyure ma fortune, nul de mes seruiteurs ne s'estant iamais fait Banquier au sortir de chez moy. D'ailleurs, ie me voy en cest aage chargé d'enfans, & ne scay comme apres moy, ma Souueraineté leur seroit assurée, si ie mourois aux mauuais graces du Roy, de la bienueillance & protection duquel, ie la tiens autant que de droict que i'y aye. Je regarde que si d'autre costé, i'auois pour ennemy vn Roy d'Espagne, ie serois fort mal en voyfins, & c'est ce qui me fait tant resner sur ceste alliance, ne scachant bonnement si ie la doibs persuader ou non. Si ie dy qu'il la faille sursoir, en attendant l'occasion de la rompre tout a fait, ie feray plaisir à quelques vns, à qui l'vnion de ces deux couronnes oste le moyen de pouuoir broüiller. Mais au reuers de la medaille, si la France ne la faisant point, auoit à viure en mauuaise intelligence avec vn Prince si puissant, ie ne scay pas si la frontiere & le dedans du Royaume en seroient plus assurés, veu les diuisions & patialités qui rongent les entrailles de cest Estat. Il y a tant à considerer là dessus, que pour n'y rien faire à l'estourdie, il vauz mieux remettre à cōferer à en l'assemblée des trois Ordres, lesquels sous le bon plaisir de leurs Maiestés resoudront s'il y a plus de iustice de reietter l'alliance du Roy d'Espagne qui est Catholique, que d'accepter celle du Roy d'Angleterre, qui est Protestant, & si

toutes deux ne sont pas à desirer pour le salut du Royaume.

Sur ceste attente ie vous conseille Messieurs, d'aller tirer le premier cartier de vos pensions à Paris, ne quittans pas le certain pour l'incertain, comme fist le chien d'Esopé, qui prist l'ombre pour le corps. Car de vous resier sur moy, ie vous declare que ie vous pourrois suyure cinquante ans, auant que de faire marcher les Tresoriers de l'Espagne à vostre queue, ny ayant d'autre part teston à prendre en ce pays, qui ne fust baigné dans les larmes de la vefue & de l'orphelin. Si vous vous en retournés, vous me ferés vn singulier plaisir, sans que vous preniés la peine de me reuenir voir, vos allées & venuës me coustant desia bon, dont ie me gratte les oreilles, & qui pis, est ie n'en oserois encores demander recompense à la Royne, puisque la rigoureuse discipline de la reformation porte qu'il se faut du commencement oublier soy-mesme, & ne parler que du bien public, qui est vraiment ce que ie cherche.

Ie preuoy en fin que si vous ne vous rangés à vostre deuoir, le Sacrificateur ne ietra iamais tant de pechés du peuple d'Israël sur la teste du bouc qu'il chassoit au desert, que vous serés hays, maudits, & detestés d'un chacun, n'y ayant si petit Escolier, qui ne fueillette son Calepin, pour y trouuer de nouvelles imprecations en vostre faueur. Ce n'est pas qu'on en vueille particulièrement à vos personnes, lesquelles on honore: Mais l'ambition, la rancune, la discorde, sont les mauuaises Cōseilleres qu'on abhorre en vous, comme celles qui vous portent à cest aueuglement, de ne considerer pas que tout ainsi

que les branches se seichent, & n'ont plus de vie, le tronc de l'arbre estant porté par terre. De mesme si par vos tumultes & confusions vous auiés debilité la vigueur du chef de l'Estat, vous qui estes les parties nobles de ce corps, vous verriés bien tost reduits en vne piteuse condition, pour le peu de respect que vous rendroient des peuples que vous auriés affriandés au libertinage & à la desobeyffance. Retournés donc Messieurs, retournés d'où vous estes partis. Car aussi bien n'y a-il point de Cour, ny d'autorité legitime, que la où est le Roy, ou son adueu, non plus qu'il n'y auoit point d'image viuante de Republique qu'à Rome, quoy que Pompée se vantast de l'auoir emmenée avec luy sous couleur de quelques Citoyens & Senateurs qui le suyuoient en campagne, & lesquels en leur foiblesse ne le peurent iamais garantir de sa ruyne contre Cesar.

S. Paul à Timoth. Epist. 2. ch. 4.

*Alexandre le Forgeron m'a faiët beaucoup de
maux, le Seigneur luy rendra selon ses œuvres.*

F I N.

